

唐縣志目錄

卷之一

地輿志

分野

疆域

形勝附

沿革

山川

陂堰附

古蹟

里甲

集鎮

風俗

時序附

物產

災祥

卷之二

建置志

城池

公署

學宮

禮典義學附

壇廟

禮典附

倉庾

武備

橋梁

坊表

塚墓附

義田

卷之三

賦役志

戶口

田賦

課稅

鹽引

解支

驛傳

卷之四

職官志

侯封

郎度

刺史

邑令

縣尉

教職

武職

守禦

卷之五

宦蹟志

歷代各官宦蹟

卷之六

選舉志

進士

舉人

貢監

武科

贈廕

援納  
行伍附

例掾

卷之七

人物志

鄉賢

忠貞

孝義

文學

武功

耆碩

卷之八

人物志

列女

流寓

卷之九

藝文志

碑記

序

考

說

卷之十

藝文志

奏疏

傳

祭文

墓誌

詩

賦

唐縣志卷九

藝文志

碑記

明

科貢題名碑記

焦希程

唐邑古廖國之墟仲山甫世居之地而申謝之間  
也是故賢才代生夙稱名郡李唐援厥山之義始  
以名州明興之初以茲地當戎馬之衝付厥政於  
甲冑之臣凡學宮之建皆蒞事者之所經始予嘗  
遊覽其間得以考見彼蓋不能無意存焉聖神有  
作文教日新迨我皇上道化洋溢都人士爭自濯

磨若科與貢蓋彬彬焉然而世遠人亡難于諮詢  
姓氏不可不紀也夫尙友之士始于一鄉苟鄉哲  
之弗聞何尙友之足議則題名豈司政教者之末  
務哉顧茲學宮僻隘有司者恒傳視焉去日與髦  
士揖讓其間恬弗爲念矧能悉心于旣往之鄉哲  
哉歲乙巳高陽董君執中來知邑政威惠流布政  
通人和乃于學宮購民居以闢其隘高棟宇以偉  
其觀諸凡隳闕罔弗修舉躬誨諸生朝夕講授於  
是鑒題名碑于明倫堂表其姓字註其履歷復虞  
其左以俟將來乃命諸生賈鏗王寅來謂希程記  
之希程聞而嘆曰茲可以觀政矣乎夫治昉于

就于風匪實非風是爲教衰會是以爲政乎今諸  
鄉哲知行交易體用無岐皆非可以僞爲焉者而  
諸生日游衍乎是碑之側豈不相與指而稱之曰  
某也才某也賢某也仕無負于所學無愧于茲庠  
無忝于科且貢焉而吾可弗若是哉其或有弗類  
者亦豈不從而議之匪徒議之且有詬耻之者矣  
又豈不慨然以思曰吾他日之出也將以題吾名  
於茲焉後之指吾名者抑多矣則吾繼自今可弗  
自愛乎夫若是而後作碑者之心慊矣然則題名  
豈司政教者之末務哉若夫睹登名而心忮觀履  
歷而榮頤馳志于聲利之場而失步于大道之軌



則非惟爲是碑蓋而實爲有司憂二生曰是可以復吾主司矣遂書以弁之

重修儒學碑記

李長春

余覽唐邑志士生其鄉務稽重禮有先王遺風明  
興科第屢不乏獨學宮歲久傾圯鐘簴委于草莽  
又汙萊塞戶官師無所棲泊甚之沿襲樸陋先師  
之不主而尙像也從祀之不廡而同堂也視典制  
蔑如矣萬歷辛丑黃侯以博陵學正被命而來低  
徊廟下輒慷慨語曰此余之責也遂集諸弟子員  
庀材鳩工克期從事釐正廟制易先師以木主位  
從祀於兩廡釐然與之更始廡前爲戟門又前爲

泮池又前爲櫺星門又前環爲三汲橋 魁樓于

上與紫王諸峯相接廟後爲明倫堂左翼以齋爲

博文右齋而東曰義路論訓三舍置焉是爲左儒

門右翼以齋爲約禮由齋而西曰禮門名宦鄉賢

省牲三祠置焉是爲右儒門並堂而左則爲敬一

亭並堂而右則爲啟聖祠堂後爲尊經閣閣之上

藏先師遺像蓋像祀久遠不忍瘞之地下爰是以

藏之閣旁爲堂兩楹鱣講有舍庫廡有所諸如射

圃亭題名坊俱如制資費而帑不損役興而民不

勞侯真能吏哉余聞之歐陽子有云古者致治之

盛衰視其學之興廢又云盛美之事須歷久而後

大備自昔建學若斯之重也當世樂因循而憚改作稍涉征繕輒逡巡卻步惟防民口弭官謗卽郵傳津梁悉置不問何有于孔氏之門哉侯之此舉非強有力弗能辦矣諸士抱遺經而升新黌寧謂侯之意僅僅于廟貌已哉士能借外境以返內觀爭自磨濯日新其德與學宮同恢廓則克副開新者之微指耳侯雖以政術稱乃其學有根底見有獨到若所著述哲如也今治唐五載志潔而令明才裕而事集修廢舉墜治聲流聞上下不啻學宮爾也則其可大書特書者此亦其一斑哉余因其論而爲文以紀之侯諱茂號完樸蜀之富順人萬

歷乙酉舉於鄉

敷文書院記

李長春

蓋黃侯之言曰不佞初至唐而權採之使旁午於  
遵應之弗遑也及稍閒進諸生語曰今制邑令得  
領諸生爲師師謂能談說經術揚挖藝文以相切  
劘也不佞雖寡聞乎願與諸生更質互訂取仕學  
之義而紬繹之顧安所得善地而游息耶已謁文  
昌祠于邑治之東觀其前列紫玉山左繞桐柏渡  
翠嶺沕瀟若爭吐瑰奇于几案者不佞適命工葺  
理之僅枝柱塗塈已耳比掘地丈許得一石鑲曰  
仙音樓石下覆一盃內書狀元及第不佞始瞿然

驚輒然喜曰茲唐邑人文炳烺科名赫奕之徵乎  
繕治曷可已耶遂闢扉而入庀材鳩工爲堂曰大  
雅左興賢右育才堂後隙地構亭其中曰蜚英雜  
植諸花卉實之距亭十數武巋然南嚮者文昌閣  
也由閣而後爲堂曰錫類旁置高明中庸二齋拱  
右兩翼循齋而後迺執經弟子謀建靜正堂一區  
旁以洗心堂佐之蓋命工之初卽與諸弟子員約  
吾儒事業原從心始聖人以此洗心神明其德今  
諸生曰萃于中裒搏盤辟取六經四書諸史肄業  
焉幸無讀非聖書與百家言以汙正學而犯時禁  
令後輩之矜揖讓彬彬如也絃誦琅琅如也簪章府如

也庶幾與中原之藝苑爭爲雄長矣循堂而出皆  
井井甚置顏其楹曰敷文書院公幸爲我記之余  
惟書院廢令不與士治久矣不知令製錦者也藉  
令以才而復輔以學是猶美錦而以五采增之綺  
繡極矣黃侯斯舉倘亦有元黃粉藻之思乎聞之  
天官書斗魁戴匡六星曰文昌宮昌之爲言明也  
盛也大也兩粟泣鬼鏤石篆金名曰文字之昌倚  
馬吐鳳月露風雲名曰文詞之昌石渠虎觀萬卷  
五車名曰文籍之昌其星一曰上將二曰次將三  
曰貴相四曰司命五曰司中六曰司祿人士貢舉  
名與祿實掌握焉其降神在蜀而著靈則無所不



在于右文之世大有功也黃侯以蜀人而爲唐諸  
士徼於神余知盼嚮之應視昔當益赫昌大文明  
其未艾矣乎余曩知貢舉與有造士之責故願諸  
生共淬勵之以成黃侯作人之德意云

郝侯去思碑記

邑令親民之職也所以承流而宣化也得人而民  
被其福匪人而民罹其憂任是職者不可不慎也  
我大尹郝侯籍順德廣乎蚤歲讀書奮庸科目來  
宰唐邑宅心兢業嘗謂政教之舉也在乎治民事  
神而已如農桑所以養民則必勸課之學校所以  
教民則必作育之剖斷讞獄而民不稱冤嚴戢萑

荷而民知畏法慮民力之勞佚無時也則建譙樓  
以節之移民之歸附無棲也則推懷柔以綏之此  
治民之政舉也崇飾

文廟必華采而閎麗侯則曰無苟作也修整壇垣  
必堅樸而崇厚侯則曰無苟費也此事神之禮舉  
也五載之間教行政成邑里晏然四民各安其業  
鰥寡孤獨各遂其生侯于子民之職可謂克盡矣  
于循良之選可謂無愧矣惜以艱去唐之民扳轅  
臥轍而制不可迴思所以志不朽者屬予記之而  
勸諸貞珉子嘉唐人之誠且樂道人之善嗚呼觀  
河洛而思禹功食五穀而慕先德侯之政績在人



耳目今其去也非侯之不幸實斯民之不幸也斯民不幸則思思則謀不朽而勒諸石蓋以思之所存侯之所在也余不才爰述侯績而著之以成衆志而俟輶軒之採復系之以銘銘曰

赫赫郝侯不剛不柔敬爲德輿仁義是道持身恭儉不競不綵六事修舉治教居尤不事矯飾砥柱中流揭虔露誠敷政優優馳聲四境童叟歌謳載之往昔循吏同儔太史採錄特書芳休繼今作政宜紹嘉猷

王公去思碑記

馬之騏

宛東之國唐爲大然唐故多瘠土民田或兼